

匈奴會昭帝崩宣帝初卽位公主及昆彌皆遣使上書
言匈奴復連發大兵侵擊烏孫取車延惡師地收人民
去使使謂烏孫趣持公主來師古曰趣讀曰促欲隔絕漢昆彌
願發國半精兵自給人馬五萬騎盡力擊匈奴唯天子
出兵以救公主昆彌漢兵大發十五萬騎五將軍分道
並出語在匈奴傳遣校尉常惠使持節護烏孫兵昆彌
自將翎侯以下五萬騎從西方入至右谷蠡王庭獲單
于父行及嫂居次名王犁汙都尉千長騎將以下四萬
級馬牛羊驢橐駝七十餘萬頭烏孫皆自取所虜獲還
封惠爲長羅侯是歲本始三年也漢遣惠持金幣賜烏